

kontuola...

KONTUOLA, Idolaz elkarte, ANTZUOLA. Kazetaria: Marijo Deogracias, Ainhoa Ugarteburu **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lereni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 72. zenbakia: 2001eko otsailaren 2a.

Hasi dira frontoi osteko lanak


Lurjausien arriskua zegoela-eta eten egin ziren lanak

Anbulatorio parean errepidearen beste alderaino doan zubiak arazoak emango zituela-eta, medikuarengana joateko aldapa egiteko lanak eten egin zituen Antzuolako Udalak. Orain dela hilabete batzuk izan zen hori.

Dirudienez, medikuanetik kanposanturaino doan zubiak errepidearen beste aldeko mendiska eta hilerria bera ere eusten ditu. Horixe adierazi zuten geoteknikoek Antzuolako Udalak lanak hasi zituenean. Horren aurrean, udalak lan horiek laga eta beste alde baten jarraitzea erabaki zuen konponketa lanekin. Horrela ez luke guztia bertan behera utziko. Eskabadorak erabili beharra zegoen zubia dagoen lekuan ambulatiorako beste bidea egiteko. Horrek, ordea, mendia behera etortzea ekar zezakeela baieztatu zuten geoteknikoek.

Dena dela, arazoa errepideko hormaren estabilitatean dago, kanposanturaren inguruan. Horma hori Diputazioaren ardurakoa da eta horregatik eskatu zuen udalak ikerketa geoteknikoa. Geologoek azaldu dute, ofizialki ez bada ere, hormari eusteko neurriak hartu behar direla.

Aldi berean, frontoi osteko lanak egin daitezkeela azaldu dute beharrezko neurriak hartuz gero, jakina. Eta horren aurrean, udalak hasi ditu dagoeneko egin beharreko konponketak. Gogoratu duzue, ambulatiorako bide berria ADU-30 deritzan proiektuaren barruan dago, eta proiektu horrek Antigua auzoan dagoen Balzers-Seytra enpresatik ambulatiorainoko zatia hartzen du. Tartean, oraintxe egin dituzten etxe berriak eta herriko erdial-



Errepide ondoko horma eutsi egin beharko da lurjausia baitu.

deko trafikoa arintzeko egingo den beste kalea.


ONDORIOAK

Lanak egiten diren bitartean ambulatiorako beste bide bat zabaldu dute pilotaleku txikitik. Derrigorrez autoz joan beharra dutenek bidea zabaltzeko baimena eskatu beharko dute udaletxean, lanegatik itxita baitago. Horrekin batera, kanposanturako bidea ere aldatu egin da. Hemendik aurrera, Frontoi Bidetik

hartu beharko da zubirako bidea. Bide hori behin-behingo jarri dute, baina lanak luzerako izango direnez, bidea ere konpondu egingo da.

URBANIZAZIOA PREST

Bestalde, aurreko Kontuolan azaldu genizuen etxe berrien urbanizazioa egin gabe zegoela, etxeak amaituta egon arren. Joan zen astean hasi dituzte urbanizazioa txukuntzeko lanak eta dagoeneko harlosak ere jarri dituzte lurrean. ■




Kanposantura igotzeko zubirako bidea Frontoi Bidetik hartu beharko da aurrerantzean



El Salvadorreko egoera aztertzeko hitzaldia egin zen

Anelkar-ek, Antzuolako GKEak (Gobernuz Kanpoko Erakundea), El Salvadorren izandako lurrikara dela-eta, hitzaldia antolatu zuen herrian. Hizlaria beste GKE bateko kidea izan zen: Mila Andueza, Oscar Romero erakundekoa, eta urtetan El Salvadorren lanean dabilen Miguel Andueza domingotar bergararraren arreba. Lurrikaren kontuarekin hasi, eta han egiten ari diren beste zenbait proiekturen berri ere eman zuen: «Nire neba duela urte batzuk hasi zen Bibliak erosteko diru eske, El Salvadorreko jendea oso jende erlijiosoa da-eta, baina urteak aurrera joan ahala, proiektu handiagoetan sartu zen».

Bere nebaren proiektuak indarra hartzen joan ziren. Orduan, 'Etxebizitza, hezkuntza eta osasuna' izeneko plana jarri zuten abian. Horren helbururik nagusia etxebizitzak egitea zen. Baina gaur egun, lurrikararen ondorioz, berriz ere ia-ia hasieratik hasi beharko dute lanean». Kooperante horrek kontaktu zuten arabera, «emergentziatzko laguntza bidali behar den arren, horrek baitu lehentasuna, lana hori baino zabalagoa da. Zentzu horretan, berriz etxeak egiten hasteak dauka lehentasuna, baina aldi baterako etxeak izango dira, bizpahiru urte barru etxe hobeak egin beharko direlako; beraz, lana etengabea izango da hango lurretan».



Mila Amndueza joan den astbean izan zen hitzaldia ematen herrian.

Laguntzak direla eta, hauxe esan zuen hitzaldian: «Neba dagoen lekura ez da, ez gobernuaren, ez GKE handien laguntzarik iritsi. Oso urruti dago eta han, bakarrik, GKE txikiak aritzen dira, horiek hobeto kontrolatzen dutelako non eta zela erabiltzen den heltzen den diru laguntza».

Oraingo proiektuez zera adierazi zuen Anduezak: «eskolak egitea da garrantzitsuena, gaztetxoak alfabetatu egin behar dira-eta. Gobernuak eskoleta-

rako irakasleak jartzen ditu, baina eraikinak, materialak eta behar den guztia komunitateak jarri behar izaten du».

EL SALVADORRERAKO LAGUNTZA-ESKAERA

ANELKAREk kontu korrante bi zabaldu ditu, Miguel Anduezaren bitartez, El Salvadorreko laguntza bidaltzeko: Euskadiko Kutxan 12133 eta Kutxan 10879500. ■

Igor eta Txomin



Margoak orokorrean

ANTZUOLA

BERGARA

609 157 131

609 150 164

■ ■ ■
Laguntza bidaltzeko, Euskadiko Kutxan 12133
eta Kutxan 1087950 kontuak ireki dira



GOROSTI Taberna

☎ 943 76 62 96

Zurrategi plaza ANTZUOLA



Jose Gomez
Abad

Errekalde 6, 4-B. Antzuola

943 76 60 19

943 76 60 43

AITZ-GARBI



taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51

Pilotan ikasteko eskolak pilotalekuan astean birritan

Aurten ere hasi dira pilota eskolak pilotalekuan. Felix Agirre, Jose Mari Mendizabal eta Juan Tomas Erostegi arduratzen dira eskolak emateaz. «Hasi, duela 15 urte hasi ginen; batez ere, mutikoein jolasean ibiltzen ginelako hasi ginen, gustuko genuelako. Gerora konturatu ginen mutikoei erakutsi egin behar zitzaizela eta ardura moduan hartu genuen eskolak ematearena».

25-30 neska-mutiko joaten dira martitzen eta eguenetan pilotan ikastera. Gehienak mutilak dira: «neska gutxi etortzen da pilotan jokatzera. Batzuk hasten dira, baina aspertu egiten dira eta denbora gutxira laga egiten dute». 7-8 urterekin hasten dira herriko neska-mutikoak pilotan eta 18 bat urte izan arte aritzen dira gehienetan hiru irakasle horiekin.

FUTBOLAREKIN LEHIAN

Pilota irakasleek arazo nagusi bat izaten dute pilotari gazteekin: «14 urtera arte denak etortzen dira pilotan egitera, baina edade horretara iritsi eta gero, futbolearen hasten dira gehienak». Horren zergatiaren gainean zera diote: «batez ere, pilota joko indibiduala delako eta baita nahiko sakrifikatua ere; esku handiak behar dira eta entrenatu ere asko entrenatu behar da. Pilotan pixka bat egiteko astean hiru edo lau bider praktikatu beharra dago».

HERRIKO PROMESAK

Oraindik umeak diren arren, honez gero badira Antzuolan ere promesak. Bi bikote aipatu dituzte hiru irakasleek. «Batek, Aitor Mendizabal eta Xabin Muruamendaraz, biak eskola arteko Gipuzkoako txapelkunak; eta, bestetik, Mikel Idia-



25-30 neska-mutiko ari dira pilotan ikasten.

kez eta Ekaitz Olalde, eskualdean garai- le izatea lortu zutenak».

Bestalde, gazte mailan, Josu Agirre eta Xabi Biteri dabilta, baina horien prestatzaile fisikoa Amaia Zabaleta da. Berak aitortu digunez, «elkarren arteko harremana bikoitza da: nik entrenatzen ditut eurak eta, aldi berean, eurak pilotan jolasten erakusten didate niri».

Gazte hauek ere, ondo eta gogo handiz dabilta. «Oraindik azkarregi da ezer esateko. Urte bukaeran egingo dugu balorazioa, izan ere, luzerako lana

egiten ari gara eta horren emaitzak oraindik ikusteko daude».

Dena den, eskuzko pilota ez da lantzen den modalitate bakarra, gazte mailan badira palan ere ondo aritzen diren hainbat antzuolar: Sergio Sanchez, Goetzón Zabalo, Mikel Bargiela eta David Martin dira eurak. Gazte mailako euskal ligan ondo sailkatuta daude eta garaipena lortu dute Gipuzkoako txapelketan.

Pilota eskolak martitzen eta eguen arratsaldetan izaten dira pilotalekuan bertan. ■

■ ■ ■
Martitzen eta eguenetan izaten dira
entrenamenduak pilotalekuan



zabalo
IGELTSEROTZA
Jose Luis Zabalo
Birgaitzeak • Fatxadak
Teillatuak • Sukalde eta bainu gelak
Kalegoi 9, 1a., ANTZUOLA. Tf. 943 76 60 89

Arin
JATETXEA
Euskal
sukaldaritza
Eguneko
menua
Kalebarren 7, ANTZUOLA Tf. 943 78 71 12

**LEKU-BERRI
MERENDEROA**
Janariak eta edariak
Tf. 943 76 60 94

Matilde Ortueta, Basaldeko auzotarra:

«Belaunerainoko edurrakin be etorritta gare gu ermittara»

Bihar, zapatua, Basalde auzokoek festa eguna dute. Urtero moduan, herritarrak San Blas opilak hartuta, izen bereko ermitara joango dira euren opilak bedeinkatu eta mokadutxoak jatera. Aurten, maiordomoak, Egurribai baserrikoak dira. Gu Matilde Ortueta-ekin eta ermita garbitu dutenekin egon gara.

Zenbat denbora da festa hau egiten dela?

Geure gurasuek be ospatzen zeben; ermita hau egin zala auskalo zenbat urte dien. Hori bai, lehen negua gogorragua izaten zan eta eguraldi txarragua egitten zeban. Gu etorritta gare belauerainoko edurrakin be San Blas egunian.

Zenbat familiak parte hartzen duzue antolaketan?

Gutxi gorabehera, hamahiru bat familixan artian; lehen gehixago giñan, Juan Joxenekuak eta Eraztazukuak be horretan ibiltzen zien, baiña gaur egun hamahiru bat familixan artian egitten dogu.

Zer da maiordomotza?

Kargua bi urterako izeten da. Mezia enkargau eta antolatu, aberixaren bat baldin badago ikusi eta konpondu. Saldia egittia be geuri tokatzen jaku, baiña horretan Altzetatuak be ibiltzen die, eta Aitzabazaldekuak txorixua egitten dabe. Gaiñera, aurreko zapatuan, ermittia eta inguruak danon artian garbitzen dittugu.

Etxean egiten duzue ospakizun berezirik?



Bihar egingo da, urtero legez, opilen bedeinkazioa San Blaseko ermitan.

Bai; gehixenok gonbidautzia egitten dogu, etxeko senidiak elkartu eta bazkaldu egitten da. Bazkarixa berezixa izaten da; lehen oillua hiltzen zan, paella goxo bat egitteko; oillua saltsan eta postrerako aurreko egunian egindako guriña izeten zien normalian.

Urtean zehar egiten al duzue auzotarren beste festaren bat?

Udan, zapatu baten, auzotar danak eta auzuan jaixotakuak bazkari bat egitten dogu ermitta barruan. Egun ederra izaten da, erromerixa eta guzti. Bazkari hau egitten hasi giñala izango die bost bat urte, baiña bi urtian ez da egin eta hiru aldiz ospatu dogu. ■

■ ■ ■
Bazkarixa berezixa izaten da; lehen oillua hiltzen zan, paella goxo bat egitteko
■ ■ ■



MUEBLES IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak

LARREA

TABERNA

Kalebarren 17
ANTZUOLA